



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1644. usque ad annum 1651

Fleury, Claude

August. Vind. [u.a.], 1779

VD18 90119177

§. 17. Variæ Urbes a Bavaris occupatæ.

[urn:nbn:de:hbz:466:1-67359](https://nbn-resolving.org/urn:nbn:de:hbz:466:1-67359)

Sæc. XVII.
A. C. 1644.

§. XVII.

Variae urbes a Bavaris occupatae.

*Theatr. Eu-
rop. part. 5.
pag. 234.
Brachel. hist.
lib. 6.*

Quamvis Cæsar pacem Imperio red-
dere, totis viribus adlaboraret,
plurimumque Principum Oratores Tem-
plum pacis Monasterii aperire crede-
rentur, ejus tamen structura sat lente
procefferat, eoquod armati hi pacifica-
tores una manu pugnassent, ædificaf-
sent

dulgender cum Catholicis gestum credide-
rant, eoquod interdicto publico Religionis
exercitio illos ad Calvini sectam non coege-
rint, sed in privatis cædibus convenire per-
miserint: eapropter anno hujus sæculi qua-
dragesimo primo Jesuitis in Belgium venire,
sub gravissimis poenis interdixerunt, paren-
tibusque suos filios ad Catholicas Hispania-
rum Universitates vel Collegia mittendi li-
bertatem ademerunt, ne ibidem doctrinis
Reipublicæ perniciosis imbuerentur: Verum
in quorum Scholis ipsi Batavi anno Domini
millesimo quingentesimo octogesimo primo,
Hugonotæ in Galliis per integrum ferme
sæculum, Puritani in Anglia, Calvinistæ in
Bohemia & Hungaria fuerint imbuti, bella
& seditiones contra suos legitimos Princi-
pes concitatae, irrefragabili testimonio lo-
quuntur, necnon desolatæ ab ipsis Regionibus
hodie dum vindictam in cælum clamant.

sent altera, & quod hac erexissent, Sæc. XVII.
 destruxissent illa: eodem enim tem- A. C. 1644.
 pore, quo Galli pacis consilia jactita-
 bant, novas armorum societates inie-
 runt, & Sueci Daniæ Regem, eoquod
 Moscis & Cæsareis suppétias tulisset,
 inopino bello opprefferunt, ac Gallia-
 rum Reginæ Auctores fuerant, ne hoc
 anno pacem iniret, sed potius bellum
 in Germania ardentius produceret. Eo
 consilio Turrenius Comes cum recenti
 milite Gallo in Altiatiam movit trajecto-
 que Rheno sese cum Suecis jungere,
 totamque belli molem ad tractum Rhe-
 ni superioris, & demum in Bavariam
 effundere statuit: Obstitit tamen Mer-
 cius, qui Wallio ætate ac laboribus
 fracto in suprema Bavarici exercitus
 Præfectura subrogatus, non modo Gal-
 lo-Vinarienses, ne Uberlinganæ Urbi
 suppétias inferre possent, præpedivit,
 sed insuper recuperata Heilinberga mu-
 nitaque Rotwilla, Uberlingam & postea
 Friburgum Brisogianæ urbem expugna-
 vit. Biduo post Anguinius Dux cum
 recenti milite e Galliis Brisaccum ad-
 ventans, terrorem, non cladem Bavaro-
 Cæsareis intulerat; quippe Turrenio &
 Vinariensibus junctus, prope Ushusium
 Mercii castra majore vincendi fiducia,
 quam certaminis felicitate adoritur,
 tanta tamen Bojorum vi exceptus, ut
 D 2 pugna

Sæc. XVII. pugna per totam noctem protracta circa
A. C. 1644. quartam horam posteræ diei matutinam
 non sine luculenta clade repelleretur. Nectamen inde fractus, Rauschenbergii stationem pari ferocia oppugnat, & quamvis bis cum strage repulsus esset, acie tamen dextre inversa, Boica castra a tergo invadere tentat. Tum vero ipso periculo leoninam fortitudinem acuente, Bavari ternos Gallorum insultus tam immota virtute sustinuerunt, ut tandem Galli ingenti clade repulsi, fateri cogerentur, non semper audaciam, nec numerum adversus strenui Ducis vigilantiam valere. Cecidere in hoc conflictu sex Gallorum millia, Bavarorum non ultra mille ducenti, quos inter tamen præcipue Caspar Mercii Frater, alique Tribuni recensentur. Sub idem tempus Wiseneckenensis arx flagitiosa Gubernatoris perfidia Gallis cesserat; inde vero Anguinius audacior factus, novisque copiis identidem auctus, Germersheimium, Wormatiam, Spiram, Crucinacum, Moguntiam, Philipopolim, aliasque Palatinatus urbes non tam suorum virtute, quam multitudine interceptit: Minus tamen felici Marte adversus Bavaro-Cæsareos pugnabant Hassi & Vinarienses; hi enim Manheimii a Rauschenbergio oppressi, isti vero Hæchsta urbe expulsi
 itera-

iterata clade profligati fuere: Cæsarei quoque Saxonibus juncti Schweidnit-
 zium in Silesia, Zeizam arcem, & Wohláviam aliasque urbes expulsis
 Suecorum præfidiis recuperarunt. Paulopost etiam Bremensis Administrator
 Suecos non longe a Verda ingenti clade protrivit: Fausta quoque erant Cæsa-
 reorum initia in bello Danico; quamvis enim Torstenfonius & Hornius plu-
 rimas urbes præfidiis pene nudatas, ac inopina Suecorum irruptione percussas
 interceptissent, Cæsarei tamen, ductore Gallasso, cæsis Suecis, cum ingenti
 præda Kialensem arcem expugnarunt, atque ex Stapelhornensi & Eiderstadi-
 ana regione expulsos, expugnatis duodecim Suecorum navibus strenue in-
 sectati sunt: Exorto autem Danos inter & Cæsareos dissidio, Galassus ex
 Holfatiæ finibus Magdeburgum reversus, cum exercitu suo ex variis cladibus
 imminuto ægre in Bohemiam evasit, ejus vestigia premente Torstenfonio, qui
 Moraviam ferro & flamma dein devastatus est. Ita demum hic quoque an-
 nus æquali utriusque partis strage & victoria, ac nonnisi communi subdito-
 rum ruina sine ullo communis causæ emolumento absumptus fuit. Nec ma-
 gis constans erat belli fortuna Hispanis, qui quamvis in Catalonia llerdam
 urbem

Sæc. XVII.
 A. C. 1644.

Sæc. XVII. urbem recuperassent, Gravellingam ta-
 A. C. 1644. men in Flandria Gallis, & Sassium
 Gandavense Batavis cedere cogeban-
 tur: Cataloni quoque in Extramaduram
 excurrentes Marchionem de Terracu-
 fa ab obsidione Eloæ repulerunt, desi-
 deratis utrinque quamplurimis.

§. XVIII.

*Urbani VIII. Pontificis Maximi
obitus.*

*Palat. in vit.
 Urb. VIII.
 Ciacon. in
 nita Ejus-
 dem tom. 4.
 Nani Hist.
 Venet. p. 1.
 l. 12. & p. 2.
 lib. 1.*

Hoc item anno Italiæ bello, quod
 Barberini ob Ducatum Castrensem
 cum Odoardo Parmensi Duce, Venetis,
 aliisque Italiæ Principibus gesserant,
 die prima Maij finis imponebatur, pa-
 cem conciliantibus Alexandro Bichio
 Cardinale Regis Christianissimi Oratore,
 & Cardinale Joanne Donghio, qui no-
 mine Pontificis concordiaæ leges in Ba-
 silica Divi Marci promulgaverat: Erat
 hoc bellum Ecclesiæ, Romanæque di-
 tioni funestum, & Urbani Pontificis
 existimationi, vitæque exitiosum: præ-
 terquam enim, quod pecunia in arce
 S. Angeli a Prædecessoribus Papis adver-
 sus infideles reposita ferme omnis fuisset
 distracta, insuper summus Pontifex
 plurium Principum invidiam odiumque
 necnon malevolorum satyras in se ac-
 cersebat, sibi vero ob mœrorem inde
 con-